

Broj: 01-01.3-5164/18 MA

Datum: 19.12.2018. godine

Na osnovu čl. 17. stav (1), 18. stav (1) i 21. stav (1) tačka d) Zakona o javnim nabavkama („Službeni glasnik BiH“, broj: 39/14), člana 2. Pravilnika o javnim nabavkama JP Autoceste FBiH d.o.o. Mostar broj: NO 1.01-724-11/15 od 24.02.2015. godine, te Odluke o pokretanju vanplanske nabavke za zamjenu prelazne naprave na vijaduktu Bojnik, lijeva strana autoceste, km 66+800, broj: 01-4615-9/18 od 19.11.2018. godine, direktor Javnog preduzeća „Autoceste Federacije Bosne i Hercegovine“ društvo sa ograničenom odgovornošću Mostar donosi:

ODLUKU o pokretanju postupka vanplanske nabavke

1. Za potrebe ugovornog organa JP Autoceste FBiH d.o.o. Mostar pokreće se postupak vanplanske nabavke radova: „Zamjena prelazne naprave na vijaduktu Bojnik lijeva strana Autoceste, km 66+800, dionica Autoceste A1 Butila – Sarajevo zapad“ putem pregovaračkog postupka bez objave obavještenja, sa kriterijem „najniža cijena“.
2. Procijenjena vrijednost nabavke iznosi: 153.000,00 KM bez uračunatog PDV-a.
3. Pregovarački postupak bez objave obavještenja o nabavci će se voditi sa 1 (jednim) privrednim subjektom – „Sikra“ d.o.o. Sarajevo, kojem će biti dostavljen poziv za dostavu zahtjeva za učešće i inicijalne ponude.
4. Služba javnih nabavki će pripremiti svu potrebnu dokumentaciju za provođenje postupka dodjele ugovora putem pregovaračkog postupka bez objave obavještenja, u skladu sa odredbama Zakona.
5. Provođenje predmetne nabavke izvršiti će Komisija za nabavke formirana od tri (3) člana u skladu sa Pravilnikom o uspostavljanju i radu komisije za nabavke („Službeni glasnik BiH“, broj: 103/14).
6. Komisija za nabavke izvršiće pregled zahtjeva za učešće, otvaranje ponuda, pregovore, pregledati i ocijeniti ponude, te dati preporuku direktoru za donošenje odluke o izboru najpovoljnijeg ponuđača ili odluke o poništenju postupka.
7. Ova odluka stupa na snagu danom donošenja.

Obrazloženje

U toku obavljanja aktivnosti redovne ophodnje na dan 01.11.2018. godine, zaposlenici Službe održavanja su uočili da je došlo do stvaranja udarne rupe na vijaduktu Bojnik, lijeva strana autoceste na stacionaži km 66+800. Ista pojava je u proteklom periodu uočena na vijaduktu sa desne strane autoceste i izvršena je sanacija obje prelazne naprave na navedenom vijaduktu. Navedeno oštećenje kolovoza će se privremeno sanirati u okviru radova na redovnom održavanju autoceste, odnosno odmah se pristupilo preusmjeranju saobraćaja iz vozne u preticajnu traku kako ne bi došlo do neželjenih posljedica po učesnike u saobraćaju. U pokušaju pronalaženja uzroka nastalog oštećenja izvršen je i detaljan vizuelni pregled prelazne naprave na vijaduktu.



Kako bi detaljnije ustanovili stanje dilatacione naprave na vijaduktu Bojnik zatražili smo izlazak na teren i davanje mišljenja predstavnika firme „Sikra“ d.o.o. Sarajevo koja je specijalizovana za ovu vrstu poslova i koja trenutno vrši radove na sanaciji prelaznih naprava na dionici Visoko-Podlugovi. Istog dana su predstavnici firme „Sikra“ d.o.o. Sarajevo izašli na teren i izvršili detaljan vizuelni pregled. Na osnovu svega navedenog očigledno je da je izvođač radova na izgradnji oba vijadukta, firma „ŽGP“ d.d. Sarajevo izvršila nekvalitetnu i neadekvatnu ugradnju prelaznih naprava što za posljedicu ima stvaranje problema i ugrožavanje bezbjednog odvijanja saobraćaja u veoma kratkom periodu nakon ugradnje istih. Navedena prelazna naprava predstavlja tačku na autocesti koja je potencijalna opasnost za učesnike u saobraćaju, odnosno zbog mogućnosti iskakanja iste iz svog položaja bezbjednost učesnika u saobraćaju je znatno smanjena. Iz tog razloga neophodno je u što kraćem roku preduzeti hitne mjere privremene sanacije, a nakon toga izvršiti nabavku prelaznih naprava na vijaduktu i iste u što kraćem roku ugraditi.

Shodno naprijed navedenom odlučeno je kao u dispozitivu ove Odluke.

direktor:

Adnan Terzić, dipl.ing.

